

UGOVOR
O IZRADI I MONTAŽI NAMJEŠTAJA PO MJERI

Zaključen u Sarajevu, dana 15.6. 2020. godine između:

UGOVORNE STRANE:

1. **JU OŠ „Velešićki heroji“ Sarajevo**, ul. Velešići br. 2, ID broj 4200168760004, koju zastupa Kenan Trebinjac, direktor škole (u daljem tekstu: kupac)
2. **LIŠĆEVICA PROMET d.o.o. Ilijaš**, ul. Moševićka bb, ID broj 4200571140008, PDV broj 200571140008, kojeg zastupa Emir Balta, direktor (u daljem tekstu: dobavljač)

Član 1.

(Predmet ugovora)

- (1) Predmet ovog ugovora je izrada i montaža namještaja po mjeri za potrebe opremanja školskih kabineta.
- (2) Ugovorne strane su se sporazumjele da će dobavljač za kupca vršiti radove iz stava (1) ovog člana, a po opštim i posebnim uslovima regulisanim ovim ugovorom.

Član 2.

(Isporučka i montaža)

- (1) Isporučka i montaža namještaja će se vršiti na adresu kupca, a nakon izvršene avansne uplate na račun dobavljača.
- (2) Dobavljač se obavezuje da će kupcu isporučiti robu za koju je registrovan, čiji kvalitet mora odgovarati važećim propisima o kvaliteti proizvoda u BiH za tu vrstu radova i roba.

Član 3.

(Rok isporuke i montaže)

Rok isporuke i montaže na adresu kupca je 25 dana od dana prijema avansne uplate na račun dobavljača.

Član 4.

(Plaćanje)

- (1) Plaćanje će se izvršiti avansno na žiro-račun dobavljača.
- (2) Ukupna plaćanja Izvođaču bez PDV-a na temelju sklopljenog ugovora ne smiju prelaziti iznos od **6.000,00 KM** na godišnjem nivou.
- (3) Dobavljač je dužan izdati fakturu u skladu s odredbama pozitivnih propisa iz oblasti poreza.
- (4) Uslovi plaćanja i drugi uslovi koje dobavljač jednostrano unese u fakturu ne obavezuju kupca ni onda kada je fakturu primio, a nije joj prigovorio.

Član 5.

(Odgovornost dobavljača)

- (1) Dobavljač odgovara za materijalne nedostatke isporučene robe koju je ona imala u času isporuke kupcu, bez obzira na to da li mu je to bilo poznato.
- (2) Dobavljač odgovara i za one materijalne nedostatke koji se pojave nakon prelaza rizika na kupca ako su posljedica uzroka koji je postojao prije toga.
- (3) Do isporuke robe kupcu rizik slučajne propasti ili oštećenja snosi dobavljač, a s izvršenom isporukom rizik prelazi na kupca.

Član 6.

(Primjena Zakona o obligacionim odnosima)

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

Član 7.

(Rješavanje sporova)

Ugovorne strane saglasne su da će eventualne sporove u pogledu primjene odredaba ovog ugovora riješiti sporazumno, a ukoliko to ne bude moguće nadležan je Općinski sud u Sarajevu.

Član 8.

(Broj primjeraka)

Ovaj ugovor je sačinjen u 4 (četiri) istovjetna primjerka, od kojih svaka ugovorna strana zadržava po dva primjerka.

Član 9.

(Stupanje na snagu)

(1) Ugovorne strane saglasne su da je u odredbama ovog ugovora sadržana njihova stvarna volja, te u znak prihvatanja prava i obaveza koja iz ugovora proizilaze ga potpisuju.

(2) Ovaj ugovor stupa na snagu danom obostranog potpisivanja od strane ovlaštenih lica ugovornih strana.

Dobavljač:
LIŠČEVICA PROMET d.o.o. Ilijaš
Emir Baltić, direktor

Broj: 16-06
Sarajevo, 16.06. 2020. godine

Kupac:
JU OŠ „Velešićki heroji“
Kenan Trebinjac, direktor

Broj: 137-24-06/20
Sarajevo, 15.6. 2020. godine